

## AKTI I THEMELIMIT TE

SHOQËRISË ME PËRGJEGJËSI TË KUFIZUAR  
GAIALBANIA SHPK

Në datën 23/06/2021, personat e mëposhtem:

1. **Znj. Jonida Shano**, shtetase Shqiptare, lindur në Tirane, më 07.07.1976, banuese në Rruga Tish Daia, Tiranë, mbajtëse e pasaportës numër BF0137704 me numër personal H65707046R,
2. **Znj. Ada Cullaj**, shtetase Shqiptare, lindur në Vlore, më 12.09.1986, banuese në Rruga Mine Peza Tiranë, mbajtës i pasaportës numër BC4596021, me numër personal I65912070W,

Të tërë me zotësi të plotë për të vepruar, me vullnetin e tyre të lirë e të plotë, nëpërmjet këtij akti themelojnë sot një shoqëri me përgjegjësi të kufizuar sipas legjislacionit shqiptar në fuqi dhe kushteve të parashikuara më poshtë.

## I.

Krijimi

- I.1 Shoqëria me përgjegjësi të kufizuar me emrin GAIALBANIA SHPK (më poshtë e quajtur "Shoqëria"), themelohet në bazë të ligjit nr. 9901, date 14.04.2008 "Për Tregtarët dhe Shoqëritë Tregtare".

## II.

Objekti

- II.1 Objekt i aktivitetit të Shoqërisë është:
  - (i) Shërbime në fushën e turizmit. Krijim dhe shitje e paketash turistike si inbound dhe outbound; Organizime të Guidave, të udhëtimeve turistike, rezervime hotelesh, shitje produktesh udhëtimi drejt agjensive të tjera turistike, Në fushën e aktivitetit si agjensi shitje biletash, transport detar, ajror dhe tokësor, transport mallrash i objektit të shoqërisë, ka natyrë indikuese dhe jo kufizuese, makina me qira shitje online siguracione shëndeti dhe makinash.
  - (ii) Promovim i Territorit; Organizim panairesh dhe aktivitetesh të ndryshme promovuese si spektakle, festa, koncerte. Organizim dhe implementim trajnimesh, seminaresh, konferencash. organizim të eventeve, si brenda dhe jashtë shtetit etj.
  - (iii) Zhvillim dhe tregtim të mallrave ushqimore, bujqësore dhe blektorale, fruta-perime, Produkteve artizanate dhe tipike shqiptare pa përjashtuar shpërndarjen;
  - (iv) Eksport të lëndës së parë, artikujve të ndryshëm farmaceutike, bimeve medicinale, artikujve higjieno sanitare, kozmetike.
- II.2 Për realizimin e qëllimit të saj shoqëria mund të bashkëpunojë me çdo person fizik apo juridik në çdo mënyrë që e gjen se është e dobishme në funksion të aktivitetit brenda koordinatave ligjore që lejon ligji. Shoqëria " GAIALBANIA" shpk do të operojë dhe në

fushën e E-commerce dhe Shërbimeve Imobilare. Gjithashtu, Shoqëria mund të kryejë çdo aktivitet tjetër biznesi i cili nuk është i ndaluar nga ligji i zbatueshëm.

### III.

#### Zyra qëndrore

- III.1 Zyra qëndrore e Shoqërisë është në adresën: Rruga "Mihal Grameno", Pallatii 7, Shkalla 3, Apartamenti 33, Kati 1, Tiranë, Republika e Shqipërisë.
- III.2 Shoqëria mund të hapë zyra dhe/ose të kryejë aktivitet në vende të tjera si brenda ashtu edhe jashtë Republikës së Shqipërisë, sipas vendimit të organit kompetent ose vendimmarrës.

### IV.

#### Kohëzgjatja

- IV.1 Shoqëria do të zhvillojë aktivitetin e saj për një periudhë kohore të pakufizuar.

### V.

#### Kapitali Themeltar dhe Ortakët e Shoqërisë

- V.1 Kapitali themeltar i Shoqërisë është 10,000 (dhjetë mijë) Lekë, ndarë në 2 (dy) kuota, të zotëruara nga një kuotë secili ortak.
- V.2 I gjithë kapitali themeltar është nënshkruar në para nga ortakët e Shoqërisë.
- V.3 Pjesët e kapitalit janë lirisht të transferueshme midis ortakëve në çdo moment sipas kushteve të parashikuara nga ligji shqipëtar.
- V.4 Përgjegjësia e ortakëve për mbulimin personalisht të humbjeve të Shoqërisë shtrihet deri në vlerën e pashlyer të kontributit të tyre të nënshkruar në kapitalin e Shoqërisë.
- V.5 Përqindja e pjesëmarrjes së secilit ortak në kapitalin e Shoqërisë është:

- **Znj. Jonida Shano**, shtetase Shqiptare, lindur në Tirane, më 07.07.1976, banuese në Rruga Tish Dahia, Tiranë, mbajtëse e pasaportës numër BF0137704, me numër personal H65707046R, zotëruese e 51% të kapitalit të Shoqërisë, që përfaqëson 1 kuotë të kapitalit të barabartë me 5,100 (pesëmijë e njeqind) Lekë;

- **Znj. Ada Cullaj**, shtetase Shqiptare, lindur në Vlore, më 12.09.1986, banuese në Rruga Mine Peza Tiranë, mbajtëse e pasaportës numër BC4596021, me numër personal I65912070W, zotëruese e 49% të kapitalit të Shoqërisë, që përfaqëson 1 kuotë të kapitalit të barabartë me 4,900 (katërmijë e nëntëqind) Lekë;

- V.6 Ortakët kanë të drejtë të marrin pjesë në shpërndarjen e fitimit të Shoqërisë në raport me pjesëmarrjen e tyre në kapitalin themeltar, domethene fitimi u shpërndahet ortakëve në raport me kuotat e zotëruara.

**VI.**  
**Administrimi**

- VI.1 Shoqëria administrohet nga një, dy ose më shumë administratorë, persona fizikë të zgjedhur brenda ose jashtë bashkësisë së ortakëve, të cilët emërohen nga Asambleja e Përgjithshme sipas Statutit të Shoqërisë.
- VI.2 Veprimet e administrimit të Shoqërisë në rast të dy administratorëve do të konsiderohen të vlefshme nëse janë ndërmarrë dhe nënshkruar nga të paktën njëri prej tyre dhe në rast të dy ose më shumë administratorëve veprimet konsiderohen të vlefshme nëse nënshkruhen të paktën nga 2 prej administratorëve të Shoqërisë.
- VI.3 Administratorët emërohen për një periudhë 5 (vjeçare) dhe mund të riemërohen.
- VI.4 Administratori i parë i Shoqërisë emërohet:

- **Znj. Jonida Shano**, shtetase Shqiptare, lindur në Tiranë, më 07.07.1976, banuese në Rruga Tish Dahia, Tiranë, mbajtëse e pasaportës numër BF0137704, me numër personal H65707046R.

- VI.5 Administratorët shkarkohen/t nga detyra në çdo kohë, me vendim të zakonshëm të Asamblesë së Përgjithshme sipas Statutit të Shoqërisë.

**VII.**  
**Viti ushtrimor**

- VII.1 Viti ushtrimor fillon më 1 Janar dhe mbaron më 31 Dhjetor të çdo viti kalendarik.

Nënshkruar nga Ortakët  
Themelues sot më datë

23/06/2021.

**ORTAKËT THEMELUES**

**Znj. Jonida Shano**

*Jonida Shano*

**Znj. Ada Cullaj**

*Ada Cullaj*

## STATUTI

### I SHOQËRISË ME PËRGJEGJËSI TË KUFIZUAR GAIALBANIA SHPK

#### Neni 1 Emërtimi


- 1.1 Shoqëria me emrin GAIALBANIA SHPK (më poshtë quajtur "Shoqëria") është një shoqëri me përgjegjësi të kufizuar, e themeluar dhe organizuar në përputhje me ligjin e Republikës së Shqipërisë.
- 1.2 Emri tregtar i Shoqërisë është i njëjtë me emrin: GAIALBANIA SHPK.
- 1.3 Shoqëria do të ushtrojë veprimtarinë nën emrin e regjistruar. Gjithashtu, Shoqëria do të përdorë dhe regjistrojë shënjat dalluese: fillimisht logon dhe vulën e Shoqërisë.

#### Neni 2 Zyra qendrore

- 2.1 Zyra qendrore e Shoqërisë është në adresën: Rruga "Mihal Grameno", Pallatii 7, Shkalla 3, Apartamenti 33, Kati 1, Tiranë, Republika e Shqipërisë
- 2.2 Shoqëria mund të hapë zyra dhe/ose të kryejë aktivitet në vende të tjera si brënda ashtu edhe jashtë Republikës së Shqipërisë, sipas vendimit të organit kompetent ose vendimmarrës.

#### Neni 3 Objekti

- 3.1 Objekt i aktivitetit të Shoqërisë është:
  - (i) Shërbime në fushën e turizmit. Krijim dhe shitje e paketash turistike si inbound dhe outbound; Organizime të Guidave, të udhëtimeve turistike, rezervime hotelesh, shitje produktesh udhëtimi drejt agjensive të tjera turistike, Në fushën e aktivitetit si agjensi shitje biletash, transport detar, ajror dhe tokësor, transport mallrash i objektit të shoqërisë, ka natyrë indikuese dhe jo kufizuese, makina me qira shitje online siguracione shëndeti dhe makinash.
  - (ii) Promovim i Territorit; Organizim panairesh dhe aktivitetesh të ndryshme promovuese si spektakle, festa, koncerte. Organizim dhe implementim trajnimesh, seminaresh, koferencash. organizim të eventeve, si brenda dhe jashtë shtetit etj.
  - (iii) Zhvillim dhe tregëtim të mallrave ushqimore, bujqësore dhe blektorale, fruta-perime, Produkteve artizanate dhe tipike shqipëtare pa përjashtuar shpërndarjen;
  - (iv) Eksport të lëndës së parë, artikujve të ndryshëm farmaceutike, bimeve medicinale, artikujve higjieno sanitare, kozmetike.
- 3.2 Per realizimin e qëllimit të saj shoqëria mund të bashkëpunojë me çdo person fizik apo juridik në çdo mënyrë qe e gjykon se është e dobishme në funksion të aktivitetit brenda koordinatave ligjore që lejon ligji. Shoqëria " GAIALBANIA" shpk do të operojë dhe në fushën e E-commerce dhe Shërbimeve Imobilare. Gjithashtu, Shoqëria mund të kryejë çdo aktivitet tjetër biznesi i cili nuk është i ndaluar nga ligji i zbatueshëm.



Neni 4  
Kohëzgjatja

- 4.1 Shoqëria do të zhvillojë aktivitetin e saj për një periudhë kohore të pakufizuar.

Neni 5  
Kapitali Themeltar dhe Ortakët e Shoqërisë

- 5.1 Kapitali themeltar i Shoqërisë është 10,000 Lekë, i ndarë në 2 (dy) kuota.
- 5.2 I gjithë kapitali themeltar është nënshkruar në para nga ortakët e Shoqërisë.
- 5.3 Pjesët e kapitalit janë lirisht të transferueshme midis ortakëve në çdo moment sipas kushteve të parashikuara nga ligji shqiptar.
- 5.4 Përgjegjësia e ortakëve për mbulimin personalisht të humbjeve të Shoqërisë shtrihet deri në vlerën e pashlyer të kontributit të tyre të nënshkruar në kapitalin e Shoqërisë.
- 5.5 Përqindja e pjesëmarrjes së secilit ortak në kapitalin e Shoqërisë është:

- **Znj. Jonida Shano**, shtetase Shqiptare, lindur në Tirane, më 07.07.1976, banuese në Rruga Tish Daia, Tiranë, mbajtëse e pasaportës numër BF0137704 me numër personal H65707046R, zotëruese e 51% të kapitalit të Shoqërisë, që përfaqëson 1 kuotë të kapitalit të barabartë me 5,100 (pesëmijë e njeqind) Lekë;

- **Znj. Ada Cullaj**, shtetase Shqiptare, lindur në Vlore, më 12.09.1986, banuese në Rruga Mine Peza Tiranë, mbajtëse e pasaportës numër BC4596021, me numër personal I65912070W, zotërues i 49% të kapitalit të Shoqërisë, që përfaqëson 1 kuotë të kapitalit të barabartë me 4,900 (katërmijë e nenteqind) Lekë;

- 5.6 Ortakët kanë të drejtë të marrin pjesë në shpërndarjen e fitimit të Shoqërisë në raport me pjesëmarrjen e tyre në kapitalin themeltar, domethënë fitimi u shpërndahet ortakeve në raport me kuotat e zotëruara, por sipas Nenit 22.1 të këtij Statuti.

Neni 6  
Zmadhimi i Kapitalit

- 6.1 Zmadhimi i kapitalit bëhet pa kufizime, me vendim të Asamblesë së Përgjithshme sipas nenit 14 të këtij Statuti.
- 6.2 Zmadhimi i kapitalit mund të bëhet me derdhje në para ose me kontribute në natyrë. Në çdo rast këto kontribute duhet të shoqërohen me një certifikatë për nënshkrimin e tyre ose një raport vlerësimi teknik të kryer nga një ekspert i vlerësimit të kontributeve në natyrë.

Neni 7  
Zvogëlimi i Kapitalit

- 7.1 Zvogëlimi i kapitalit bëhet me vendim të Asamblesë së Përgjithshme me propozim të administratorit/ëve në rastin kur Shoqëria mund të pësojë humbje të tilla që ta bëjnë të domosdoshëm këtë zvogëlim.
- 7.2 Asambleja e Përgjithshme, për zvogëlimin e kapitalit vendos me shumicën e përcaktuar në nenin 14 të këtij Statuti.

Neni 8  
Transferimi i kuotave

- 8.1 Transferimi i kuotave të zotëruara në kapitalin e Shoqërisë bëhet sipas ligjit shqiptar. Kuotat janë lirisht të transferueshme tek çdo individ ose person juridik nëpërmjet kontratës së shitblerjes, trashëgimise, dhurimit ose nëpërmjet çdo mënyrë tjetër të parashikuar nga ligji.

Neni 9  
Transferimi midis Ortakëve

- 9.1 Kuotat janë lirisht të transferueshme midis ortakëve. Ortakët e Shoqërisë kanë të drejtën e parablerjes së kuotave.

Neni 10  
Transferimi Tek Personat e Tretë

- 10.1 Personat e tretë jashtë Shoqërisë mund të bëhen zotërues të kuotave dhe të bëhen ortakë të Shoqërisë vetëm pas miratimit të Asamblesë së Përgjithshme, miratim i cili nuk mund të mos jepet pa arsye.

Neni 11  
Organet e Shoqërisë

- 11.1 Organet e Shoqërisë janë:
1. Asambleja e Përgjithshme;
  2. Administratori/ët

Neni 12  
Asambleja e Përgjithshme

- 12.1 Asambleja e Përgjithshme është organi më i lartë vendimarrës i Shoqërisë dhe i merr vendimet kur është mbledhur rregullisht.
- 12.2 Vendimet e marra nga Asambleja e Përgjithshme, e thirrur dhe e mbledhur rregullisht, në përputhje me ligjin dhe me këtë Statut janë të detyrueshme për të gjithë ortakët duke përfshirë edhe ata që mungojnë ose janë të përfaqësuar.
- 12.3 Asambleja e Përgjithshme mbledhet në rastet e parashikuara nga dispozitat e këtij Statuti, në rastet e parshikuara në ligjin nr. 9901/2008 "Për Tregetarët dhe Shoqëritë Tregtare", në ligje të tjera si dhe sa herë është e nevojshme për mbrojtjen e interesave të Shoqërisë.
- 12.4 Mbledhjet e Asamblesë së Përgjithshme mbahen në zyrën qendrore të Shoqërisë ose në çdo vënd tjetër të shënuar në njoftimin me shkrim për mbledhje. Njoftimi për mbledhje i dërgohet të gjithë ortakëve jo më vonë se 7 (shtatë) ditë përpara datës së parashikuar për mbledhje. Njoftimi për mbledhje duhet të përmbajë vëndin, datën, orën dhe rendin e ditës së mbledhjes.
- 12.5 Mbledhja e Asamblesë së Përgjithshme thirret nga administrator/ët. Thirrja e Asamblesë së Përgjithshme mund të kërkohet edhe nga ortaku ose ortakët të cilët përfaqësojnë të paktën 5% të totalit të votave në Asamblenë e Përgjithshme.
- 12.6 Asambleja e Përgjithshme thirret në mbledhje të zakonshme dhe të jashtëzakonshme.



### Neni 13

#### Asambleja e Zakonshme

- 13.1 Asambleja e zakonshme mblidhet, çdo vit brenda gjashtë muajve nga data e mbylljes së vitit financiar, për miratimin e raportit të Administratorit/ëve, inventarëve dhe llogarive vjetore.
- 13.2 Vendimet merren me shumicë të zakonshme të votave në prani të ortakëve me të drejtë vote që zotërojnë më shumë se 30 % të kuotave.
- 13.3 Nëse nuk arrihet kuorumi sipas pikës 13.2, Asambleja do të mblidhet përsëri jo më vonë se 30 ditë me të njëjtin rend dite. Në këtë mbledhje, do të merren vendime me shumicë të votave në prani të ortakëve të pranishëm.

### Neni 14

#### Asambleja e Jashtëzakonshme

- 14.1 Asambleja e Jashtëzakonshme thirret sa herë është e nevojshme për marrjen e vendimeve në interes të Shoqërisë.
- 14.2 Vendimet që kanë të bëjnë me miratimin e ortakëve të rinj, me ndryshimin e neneve të Statutit, ndryshimin e politikave të biznesit, zmadhimin ose zvogëlimin e kapitalit dhe prishjen e Shoqërisë konsiderohen vendime të jashtëzakonshme.
- 14.3 Vendimet e jashtëzakonshme merren nga Asambleja e Përgjithshme me votën pro të ortakëve që zotërojnë të paktën 75% të kapitalit të Shoqërisë.
- 14.4 Nëse nuk arrihet kuorumi sipas pikës 14.3, asambleja mblidhet përsëri jo më vonë se 30 ditë me të njëjtin rend dite. Në këtë mbledhje, do të merren vendime me shumicë të votave në prani të ortakëve të pranishëm.

### Neni 15

#### Pjesëmarrja, Votimi dhe Përfaqësimi

- 15.1 Secili ortak ka të drejtën e pjesëmarrjes dhe votimit në mbledhjen e Asamblesë së Përgjithshme. Votat e disponuara nga secili ortak janë në numër të barabartë me pjesëmarrjen në kapital të Shoqërisë të zotëruar prej tij.
- 15.2 Secili ortak mund të përfaqësohet në mbledhjet e Asamblesë dhe marrjen e vendimeve nga një ortak tjetër apo nga një person i tretë. Autorizimi mund të jepet vetëm për një mbledhje të Asamblesë së Përgjithshme, e cila të përfshijë edhe mbledhjet vijuese me të njëjtin rend dite.
- 15.3 Ortakët, persona juridikë përfaqësohen në mbledhjet e Asamblesë vetëm nga përfaqësuesit e tyre ligjorë ose çdo person tjetër i pajisur me prokurë të posaçme të lëshuar nga organi kompetent i personit juridik.
- 15.4 Ortakët, që nuk janë të pranishëm, kanë mundësinë e pjesëmarrjes në mbledhjen e Asamblesë së Përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve. Mjetet elektronike përfshijnë, por pa u kufizuar në to:
  - (i) transmetimin e mbledhjes së Asamblesë së Përgjithshme në kohë reale;
  - (ii) komunikimin e ndërsjellë në kohë reale, i cili u mundëson ortakëve të shprehen për mbledhjen e Asamblesë së Përgjithshme nga një vendndodhje tjetër;
  - (iii) mekanizma, që mundësojnë procesin e votimit, përpara apo gjatë mbajtjes së mbledhjes së Asamblesë së Përgjithshme, pa qenë nevoja të caktohet një përfaqësues i autorizuar, për të marrë pjesë fizikisht në mbledhje.

Neni 16  
Procesverbali i Mbledhjes

- 16.1 Në çdo mbledhje të Asamblesë mbahet procesverbal i cili përmban datën, vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit si dhe vendimet.
- 16.2 Procesverbali nënshkruhet nga kryetari dhe mbajtësi i procesverbalit.

Neni 17  
Kompetencat e Asamblesë së Përgjithshme

- 17.1 Asambleja e Përgjithshme është kompetente për të vendosur për çështjet e mëposhtëme:
- a) përcaktimin e politikave tregtare të Shoqërisë;
  - b) ndryshimet e Statutit;
  - c) emërimin dhe shkarkimin e administratorit/ëve dhe vendos për shpërblimin e tij/tyre;
  - d) emërimin dhe shkarkimin e likuiduesve dhe ekspertëve kontabël të autorizuar dhe vendos për shpërblimin e tyre;
  - e) mbikyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe raporteve të ecurisë së veprimtarisë;
  - f) miratimin e pasqyrave financiare vjetore dhe raportet e ecurisë së veprimtarisë;
  - g) miratimin e zmadhimit dhe zvogëlimit të kapitalit;
  - h) pjestimin e kuotave dhe anulimin e tyre;
  - i) përfaqesimin e Shoqërisë në gjykatë dhe në procedime të tjera kundër administratorit/ëve;
  - j) shpërndarjen e fitimeve;
  - k) riorganizimin dhe prishjen e Shoqërisë;
  - l) miratimin e rregullave procedurale të mbledhjeve të asamblesë;
  - m) çështje tjetër të caktuar nga ligji ose nga ky Statut.

Neni 18  
Administratorët

- 18.1 Shoqëria administrohet nga një, dy ose më shumë administratorë, persona fizikë të zgjedhur brenda ose jashtë bashkësisë së ortakëve, të cilët emërohen nga Asambleja e Përgjithshme sipas nenit 13 të këtij Statuti.
- 18.2 Veprimet e administrimit të Shoqërisë në rast të dy administratorëve do të konsiderohen të vlefshme nëse janë ndërmarrë dhe nënshkruar nga të paktën njëri prej tyre.
- 18.3 Administratorët emërohen për një periudhë 5 (vjeçare) dhe mund të riemërohen.
- 18.4 Administratori i parë i Shoqërisë emërohet:  
**Znj. Jonida Shano**, shtetase Shqiptare, lindur në Tirane, më 07.07.1976, banuese në Rruga Tish Daia, Tiranë, mbajtëse e pasaportës numër BF0137704 me numër personal H65707046R.
- 18.5 Administratorët shkarkohen/t nga detyra në çdo kohë, me vendim të zakonshëm të Asamblesë së Përgjithshme sipas nenit 13 të këtij Statuti.

Neni 19  
Kompetencat e Administratorëve

- 19.1 Administratorët janë përgjegjës për çështjet e përditshme të Shoqërisë dhe përfaqësojnë Shoqërinë në marrëdhënie me të tretët në përputhje me dispozitat e statutit ose ligjit të zbatueshëm.



- 19.2 Administratorët kanë të gjitha kompetencat e zakonshme për administrimin e veprimtarisë së zakonshme të Shoqërisë, përveç atyre që sipas Statutit ose ligjit të zbatueshem i takojnë Asamblesë së Përgjithshme.
- 19.3 Në veçanti, Administratori gëzon kompetencat e listuara më poshtë:
- (i) Përfaqësimi i Shoqërisë në marrëdhënie me palë të treta, publike ose private, të çdo lloji forme organizimi dhe niveli, duke përfshirë Autoritetin Tatimor, qendror ose vendor, Autoritetin Doganor, Zyra të tjera Regjistrimi të secilit lloj, Qendrën Kombëtare të Biznesit, të Licensimit ose tjetër, Ministrinë, ente të tjera publike, në Republikën e Shqipërisë ose jashtë saj;
  - (ii) Përfaqësimi i Shoqërisë dhe nënshkrimin në emër dhe për llogari të Shoqërisë i çdo procedure negociimi, memorandumi, interesi, akti, marrëveshje, kontrate, vendimi, kërkesë, ankese, formulari apo dokumenti tjetër çfarëdo, duke marrë përsipër angazhime, pa ndonjë kufizim në lloj, subjekt ose vlerë, në emër dhe për llogari të Shoqërisë;
  - (iii) Përfaqësimi i Shoqërisë përpara bankave të nivelit të dytë që operojnë në Republikën e Shqipërisë dhe/ose institucioneve të tjera financiare, sipas rastit dhe nevojës së Shoqërisë;
  - (iv) Përfaqësimi i Shoqërisë në përcaktimin e rregullave funksionale dhe organizative për çështje që lidhen me aktivitetin e përditshëm ose jo, të Shoqërisë, si për shembull, por pa u kufizuar vetëm në, hapjen e adresave dytësore, përfaqësimin në çështje tatimore, rimbursime ose kreditime ose pagesa, riorganizime, përfshirje, transferime, dhe çdo çështje tjetër të natyrës së ngjashme.

#### Neni 20

#### Eksperti Kontabël i Autorizuar

- 20.1 Eksperti kontabël i autorizuar emërohet me vendim të Asamblesë së Përgjithshme, sipas nenit 13 të këtij Statuti, kur një emërim i tillë bëhet i detyrueshëm nga ligji në fuqi.

#### Neni 21

#### Viti Financiar

- 21.1 Viti financiar fillon më 1 Janar e përfundon më 31 Dhjetor të çdo viti.

#### Neni 22

#### Fitimet

- 22.1 Fitimet që rezultojnë nga pasqyrat e llogarive vjetore, pas tatimit, do t'u shpërndahen ortakëve të Shoqërisë në masën 50%, ndërsa 50% i mbetur do të rezervohet për t'u përdorur për nevoja pune të Shoqërisë ose për investime.
- 22.2 Asambleja e Përgjithshme mund të vendosë për krijimin e një rezerve të veçantë të Shoqërisë.

#### Neni 23

#### Prishja

- 23.1 Prishja e Shoqërisë dhe emërimi i likuidatorëve bëhet në bazë të legjisllacionit Shqiptar në fuqi.

Neni 24  
Baza Ligjore

- 24.1 Shoqëria do të zhvillojë aktivitetin e saj në përputhje të plotë me këtë Statut dhe me ligjin Shqiptar.
- 24.2 Për sa nuk parashikohet në këtë Statut do të zbatohen dispozitat e legjislacionit Shqiptar në fushën e shoqërive tregtare.

Neni 25  
Ndryshimet


- 25.1 Ky Statut mund të ndryshohet, rishikohet dhe/ose shfuqizohet pjesërisht ose tërësisht ose një statut i ri mund të miratohet me vendim të Asamblesë së Përgjithshme.

Nënshkruar në Tirane, sot më datë 23/06/2021.

**ORTAKËT**

Nënshkrimet:

**Znj. Jonida Shano**



**Znj. Ada Cullaj**

